

## Niamois besser

De Nacht sie is so finster  
da Mond er is versteckt  
es nieselt und der Nebel  
kriacht vor mir auf'm Weg

Koite Neonliachter  
spiagln se auf der Straß  
a koita Wind pfeift um de Haiser  
ois ob er wos verpasst

***Gestern hob I no glabt  
I hoits net aus des tuat so weh  
doch heit hob I kapiert  
an mir selber hot des glegn***

As Leben is oft a Watschn  
es beitel de gscheit her  
trotzdem tuast weiter hatschn  
Ja manchmoi is des schwer

Einsam und verlassen  
so kommts da manchmoi vor  
doch wannst de richtig umschaust  
siehgst du bist net so alloa

***Gestern hob I no glabt  
I hoits net aus des tuat so weh  
doch heit hob I kapiert  
an mir selber hot des glegn***

Doch des passt scho des is guat so  
I bin gern unterwegs  
I mog an Regn, I mog an Newe  
an Wind der um mei Nosn weht

Wos war denn scho des Leben  
so ganz ohne den Sturm  
und wos war denn scho des Leben  
hättst net manchmoi wos zum doan

***Mei Leben is wos do is  
wos anders wui I gor net  
sís schee so und guat is  
niamois net is besser gwen***

***Niamois net – is besser gwen  
Niamois net – is besser gwen***